



Universitätsbibliothek Paderborn

**B. Haymonis, Episcopi Ante DCCC. Circiter Annos
Halberstadensis, Historiae Ecclesiasticae, Sive De Rervm
Christianarvm Memoria, Libri X**

Haimo <Halberstadensis>

Helmestadi[i], 1671

Cap. XXVII. De crudelitate Neronis.

urn:nbn:de:hbz:466:1-10968

id est, mūnimentum populi & justitia. Nec multo post
oppugnatio consecuta est *Vespasiani*, ita ut & Iudæo-
rum prudentes hanc esse causam crederent statim
consecutæ oppugnationis Hierosolymorum, quod in
Jacobum injecerint manus sceleratas, justissimum &
omnium confessione piissimum virum, qui erat frater
Domini, qui dicitur Christus.

H A Y M O.

Ego vero magis opinor hoc eis contigisse, ut, quia
in Dominum Jesum commiserunt, & quia clamave-
runt: *Sanguis ejus super nos & super filios nostros*, tam in
se, quam in suis successoribus, continua fere sangu-
inis effusione punirentur. Interea *Festus* moritur apud
Iudæam, cui successit *Albinus*, Cæsare adjudicante;
Albino Florus: cuius avaritiam & luxuriam, cæteraque
flagitia non ferentes (nam & honorabiles quosque
flagris verberaverat, & nonnullos in sancta civitate
patibulo suspenderat) adversum Romanos rebellant.
Cujus rei occasione, ad debellandos Iudæos, magister
militiæ *Vespasianus* transmittitur.

CAP. XXVII.

De crudelitate Neronis.

NEro, crudelissimus Imperator: qui in tantum sce-
leris progressus est, quod & in matrem, & in fra-
tres & uxores, & omnes sanguinis proximos, parri-
cida existit, & incestus facit, & Christianos maxime
persequitur.

C 3

CAP.